

Broj:01-11/2-1200-5/21
Sarajevo, 21.04.2021.godine

21-04-2021

Na osnovu člana 70. Zakona o javnim nabavkama BiH („Službeni glasnik BiH“ broj:39/14), Rješenja o ovlaštenju za potpisivanje akata iz nadležnosti Federalnog ministarstva za pitanja boraca i invalida odbrambeno-oslobodilačkog rata i čuvanju i upotrebi pečata Federalnog ministarstva za pitanja boraca i invalida odbrambeno-oslobodilačkog rata, („Službene novine Federacije BiH“, broj 54/20 i 62/20), a na preporuku Komisije za javne nabavke za 2021. godinu imenovane rješenjem broj: 01-11-333/21 od 28.01.2021. godine, Federalno ministarstvo za pitanja boraca i invalida odbrambeno-oslobodilačkog rata, d o n o s i:

ODLUKU
o izboru najpovoljnijeg ponuđača
za javnu nabavku - konkurentski zahtjev za dostavu ponuda za nabavku kancelarijskog materijala i pribora

I

Na osnovu provedenog postupka javne nabavke - konkurentski zahtjev za dostavu ponuda za nabavku kancelarijskog materijala i pribora broj:01-11/2-1200/21 od 02.04.2021.godine, obavještenja o nabavci broj: 746-7-1-6-3-5/21 koje je objavljeno na Portalu javnih nabavki dana 02.04.2021.godine, kao najpovoljnija i ocjenjena najprihvatljivijom ponudom je ponuda ponuđača Aero-Exclusive d.o.o. Sarajevo čija ukupna cijena ponude utvrđena nakon računске kontrole iznosi 32.682,89 KM bez PDV-a.

II

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene tenderskom dokumentacijom, a u skladu sa kriterijem za dodjelu ugovora – najniža cijena.

III

Po okončanju roka za žalbu, ugovorni organ će pozvati izabranog ponuđača radi zaključenja ugovora kojim će se regulirati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

IV

Ova odluka objavit će se na web stranici Federalnog ministarstva za pitanja boraca i invalida odbrambeno-oslobodilačkog rata u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak javne nabavke - konkurentski zahtjev za dostavu ponuda za nabavku kancelarijskog materijala i pribora pokrenut je Odlukom o pokretanju postupka javne nabavke, broj: 01-11/2-1147/21 od 29.03.2021. godine. Ukupna procijenjena vrijednost nabavke iznosila je 32.906,00 KM bez PDV-a. Obavijest o nabavci poslana je na tri adrese 02.04.2021. godine, a istog dana objavljeno je i obavještenje o nabavci na portalu Javnih nabavki pod brojem: 746-7-1-6-3-5/21. Tendersku dokumentaciju preuzelo je 11 (jedanaest) ponuđača, a 2 (dva) ponuđača dostavila su ponude u predmetnom postupku javne nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: Aero-Exclusive d.o.o. Sarajevo i Plan Plus d.o.o Zenica. Komisija za javne nabavke, imenovana rješenjem, broj: 01-11-333/21 od 28.01.2021. godine, izvršila je pregled i ocjenu ponuda, te konstatovala da je jedna dostavljena ponude prihvatljiva za ugovorni organ i to ponuda ponuđača Aero-Exclusive d.o.o. Sarajevo, odnosno da ista ispunjava formalno pravne, ekonomske i tehničke uslove, odnosno zahtjeve ugovornog organa.

Nadalje Komisija je konstatovala da je bila jedna ponuda koja nije prihvatljiva za ugovorni organ i to ponuda ponuđača: Plan Plus d.o.o. Zenica, koja shodno odredbi člana 68. stav 4. pod i) nije potpuna i ne ispunjava zahtjeve iz tenderske dokumentacije iz razloga jer:

- Ponuđač Plan Plus d.o.o. Zenica nije dostavio ispravnu katalošku dokumentaciju za robu iz tehničke specifikacije pod rednim brojevima 88, 91, 92, 99 i 100, u kojoj su jasno i vidljivo označene ponuđene robe sa navedenim rednim brojem stavke iz tenderske dokumentacije, kako je traženo tenderskom dokumentacijom, a shodno izmjenjenoj Tehničkoj specifikaciji (Aneks 3).

Kataloška dokumentacija za robe iz specifikacije (Aneks 3) koju je ponuđač Plan Plus d.o.o. Zenica dostavio nije tražena tačkom 4.1.2. pod d) tenderske dokumentacije, zbog čega ponuda ponuđača Plan Plus d.o.o. Zenica nije potpuna i ne ispunjava zahtjeve iz tenderske dokumentacije.

Polazeći od gore navedenih konstatacija, i činjenice da prihvatljiva ponuda u tehničkom i ekonomskom smislu ispunjavaja zahtjeve ugovornog organa, Komisija je pristupila računskoj kontroli iskazanih cijena u tehničkoj specifikaciji, te vrednovanju prihvatljivih ponuda shodno utvrđenom kriteriju: „najniža cijena tehnički zadovoljavajuće ponude“, nakon čega je sačinila i dostavila resornom ministru (ovlaštenom licu Ugovornog organa) Zapisnik o pregledu i ocjeni ponuda broj: 01-11/2-1200-4/21 od 19.04.2021.godine godine sa preporukom o izboru najpovoljnijeg ponuđača AERO-EXCLUSIVE D.O.O. SARAJEVO, sa registrovanim sjedištem u ulici Kolodvorska 12, 71 000 Sarajevo, ID: 4200061610000, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“, broj: 39/14), podzakonskim aktima i tenderskom dokumentacijom. Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci i/ili podzakonskih akata ima pravo uložiti žalbu na postupak u pisanoj formi u roku od 5 (pet) dana od dana kada je njegov podnosilac primio ovu odluku.

Žalba se podnosi naručiocu-ugovornom organu kao prvostepenoj instanci u žalbenom postupku, u dovoljnom broju primjeraka koji ne može biti manji od tri.

Po ovlaštenju Vlade Federacije BiH
POMOĆNIK MINISTRA

Mirza Terzo

Dostavljeno:

1. Ponuđačima 2x
2. U spise
3. Arhiva